



## Sud Bosne i Hercegovine

## Суд Босне и Херцеговине

Broj: Su-08-67/17

Datum: 04.04.2017.godine

Na osnovu člana 64. stav (1) tačka b) najniža cijena, člana 70 stav 1., 3. i 6. Zakona o javnim nabavkama ("Službeni glasnik BiH", broj 39/14) i člana 1. Poslovnika o radu Suda Bosne i Hercegovine ( „Službeni glasnik BiH“, broj: 82/05) na preporuku Stalne komisije za javne nabavke Suda BiH broj: Su-08-66/17 od 04.04.2017. godine u postupku javne nabavke IKT potrošni materijal – **3020000-1** , donosim

**ODLUKU**

o izboru najpovoljnijeg ponuđača za nabavku IKT potrošnog materijala

**član 1.**

Prihvata se preporuka Stalne komisije za javne nabavke Suda BiH (u daljem tekstu: Komisija), broj: Su-08-66/17 od 04.04.2017. godine i Ugovor za nabavku IKT potrošnog materijala - oznaka i naziv iz JRJN: **3020000-1** (računarska oprema i potrepštine), dodjeljuje se ponuđaču „**R&S**“ **d.o.o. Sarajevo**, sa sjedištem na adresi Igmanska bb, a ponuda ovog ponuđača broj: 4313/17 od 29.03.2017 godine za ponuđenu cijenu od **9.073,60 KM** bez PDV-a, kao najbolje ocijenjena ponuda.

**član 2.**

Ugovor o nabavci dostaviti će se na potpis izabranom ponuđaču „**R&S**“ **d.o.o.** po proteku roka od 10 dana računajući od dana kada su svi ponuđači obavješteni o izboru najpovoljnije ponude.

**član 3.**

Ova odluka objavljuje se na internetskoj stranici Suda BiH. Komisija za javne nabavke uputiti će obavještenje ponuđačima koji su učestvovali u postupku u skladu sa članom 70. stav (6) Zakona o javnim nabavkama.

**član 4.**

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke u skladu sa članom 71. stav (2) Zakona o javnim nabavkama.


## Obrazloženje

Postupak javne nabavke pokrenut je Odlukom o pokretanju postupka nabavke IKT potrošnog materijala broj: Su-08-39/17 od 07.03.2017. godine. Javna nabavka je provedena putem Konkurentskog zahtjeva za dostavu ponuda broj: Su-08-51/17, a procijenjena vrijednost javne nabavke bez PDV-a je 11.100,00 KM. Obavještenje o nabavci objavljeno je na portalu javnih nabavki pod brojem 243-7-1-54-3-4/17 od 15.03.2017. godine sa tenderskom dokumentacijom. Poziv za preuzimanje tenderske dokumentacije sa portala e-nabavke prosljeđen je na e-mail adrese tri ponuđača („Primaprom“ d.o.o., „R&S“ d.o.o. i „BBS“ d.o.o.) istovremeno sa slanjem obavještenja na Portal javnih nabavki dana 15.03.2017. godine. Komisija je rukovodiocu ugovornog organa dostavila Zapisnik o pregledu i ocjeni ponuda i prijedlog o izboru najpovoljnijeg ponuđača u postupku javne nabavke IKT potrošnog materijala. Komisija je blagovremeno i pravilno izvršila javno otvaranje ponuda dana 30.03.2017. godine i sačinila Zapisnik sa otvaranja ponuda koji je prosljeđen svim ponuđačima koji su učestvovali u postupku. Nakon otvaranja ponuda Komisija je pristupila ocjeni i poređenju ponuda te o tome sačinila odgovarajuće zapisnike u kojima je utvrđeno slijedeće: da su blagovremeno pristigle ukupno dvije (2) ponude (Primaprom d.o.o. i R&S d.o.o.), i da nije bilo neblagovremeno zaprimljenih ponuda. Uvidom u ponudu ponuđača R&S d.o.o. Sarajevo u obrascu za cijenu ponude – Aneks 2 specifikacija IKT potrošnog materijala, uočena je računaska greška te je ponuđaču upućeno pismeno obavještenje o ispravci računske greške dana 31.03.2017. godine, za stavku pod rednim brojem 5. (optical fiber patch cord 2x50/125 2LC-2LC 2m – 4 komada) gdje nije pravilno izračunat proizvod umjesto 4 kom x 20,00 KM = 100,00 KM treba da stoji 4 kom x 20,00 KM = 80,00 KM tako da je ukupan i pravilan zbir ponude u iznosu od 9.073,60 KM bez PDV-a, a ne kako je navedeno u ponudi iznos od 9.093,60 KM bez PDV-a. Ponuđač R&S d.o.o. Sarajevo je dao svoju saglasnost na ispravku računske greške dostavljenu na adresu ugovornog organa putem faxesa dana 31.03.2017. godine, sa ukupnom cijenom ponude od 9.073,60 KM bez PDV-a, te su obje pristigle ponude ponuđača ocijenjene prihvatljivim u skladu sa tenderskom dokumentacijom. U postupku donošenja odluke, posebno su ocijenjene činjenice da je Komisija pravilno i potpuno izvršila ocjenu kvalificiranosti ponuda, te ocjenu, poređenje i rang listu prispjelih ponuda, shodno kriteriju najniža cijena. U postupku ocjene provedenog postupka, rukovodioc ugovornog organa nije našao nepravilnosti niti propuste u radu koji bi eventualno bili osnov za neprihvatanje preporuke Komisije. Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom. Uvidom u priloženu dokumentaciju, nesporno je da je izabrani ponuđač „R&S“ d.o.o. Sarajevo izabran primjenjujući kriterij najniže cijene koja je ponuđena u iznosu od **9.073,60 KM** bez PDV-a dok je ponuđač „Primaprom“ d.o.o. Banja Luka ponudio cijenu u iznosu od **9.867,01 KM** bez PDV-a.

Iz navedenih razloga, primjenom člana 64. stav (1) tačka b) najniža cijena Zakona o javnim nabavkama odlučeno je kao u dispozitivu.

### POUKA O PRAVNOM LIJEKU:

Ponuđač koji je učestvovao u postupku nadmetanja može radi zaštite svojih prava i pravnih interesa izjaviti žalbu ugovornom organu u roku od 5 (pet) dana od dana prijema ove odluke.



**PREDSJEDNIK SUDA**

**Ranko Debevec**